

財神廟二一在城東南關帝廟之 明萬歷三十八年建

一在新平堡城內

晏公廟在南城外今廢

三官廟四一在南關外明天啟六年重修崇正十二年再

修一在賈家屯明正德十一年建 國朝康熙四十五

年重修俱有碑記一在新平堡東月城內一在保平堡

東北內有芍藥數本每當開時絢爛異常花大如斗香

聞數里遊人聯袂而觀稱為神花

玉皇廟在城東蕭牆堡明嘉靖十三年建有碑記

朱子祠在城北培風堡書院內乾隆十八年知縣張坊建
宋旣南渡文公未踰河北邊方士子欲識夫子真容覲
求遺像塑於書院講堂有書院碑記

霜神祠在南洋河北培風書院之西乾隆十五年知縣張
坊因邊地霜早歲苦殺稼為民祈禱士民倡義創建正
殿三間東西配殿六間有霜神祠碑記

山神廟 河神廟六間在霜神殿東西乾隆十七年知縣
張坊為民禱雨祀本邑境內山神之神而立有廟碑記
八蜡廟三間在霜神祠東乾隆十七年知縣張坊為民祈

三金縣志
禱建立有廟碑記

關聖廟三間在霜神祠西乾隆十六年知縣張坊為神祈
禱顯應併保護神祠建立有廟碑記

電神祠在培風書院東乾隆十七年知縣張坊因邑民每
歲禱神遠走陽高許家園會大雨電為民祈禱士民倡
建新祠三間有祠碑記

龍王廟在霜神祠西乾隆十七年知縣張坊為民禱雨建
金大神廟在城外東北東將臺乾隆十八年知縣張坊為
邑建修水口山倡立

三英祠在新平堡東月城內祀周尚文郭琥麻祿

三清延祥觀在城南百一十里小鹽場明萬歷三十五年
善士袁恭建有碑記賜進士直隸寧晉令何廷魁撰文
慈雲寺在城西街唐時建遼開泰八年修明宣德五年重
修嘉靖十八年再修俱有碑記

雲臺寺舊名城牆寺一名元真寺在城西北隅明時建
國朝雍正六年僧照福重建改今名

顯化寺舊名盆兒寺在城東南八里四裏山明宣德年勅
建

賜進士兵科給事中王演之撰文萬歷十二年再修今
圯

龍泉寺在城西南六十里牽牛山後漢時建唐尉遲鄂公
重修明嘉靖隆慶間屢修有碑記三

棲隱寺在城西南七十里馬家皂遼統和六年建金明昌
三年重修明成化弘治正德間屢修有碑記

資福寺在城西南八十里安家皂

鷲峯寺在城西南太保村之龍澍山唐時建有唐碑四尚
存其字多磨滅不可識明宏治十五年重修立石

壇壝

先農壇東北城外雍正五年知縣陳際熙奉

建壇高二尺一寸四面各寬二丈五尺正殿三間

東西配房各一間二門一間大門一間週圍繚以

牆籍田四畝五分在圍牆內

但壇地偏敬不吉宜改建于東門外

社稷壇在西城外通惠橋右乾隆十六年知縣張坊因連

歲飢荒毀舊壇變置壇高二尺一寸四面各寬二丈五

尺門樓四座週圍繚以牆有碑記

風雲雷雨壇在城南八里河陽舊壇築城東南角向西南

且河水衝決乾隆十八年知縣張坊改建壇高二尺一寸四面各寬二丈五尺門樓四座週圍繚以墻

厲壇在北城外少西乾隆十六年知縣張坊捐建有碑記
冰室在城外西北陰乾隆十五年知縣張坊因連歲雨雪
傷稼酌倣古制建築冰室深窰每歲大寒藏冰立夏開
冰有碑記

陵墓

金

尚書右丞蘇保衡墓在渾源州西北七里岡下

見山西通志

明

薊鎮副將高策墓在城西北三里有諭祭碑文併翁仲石

獸現存

遼東巡撫李植墓在南川龍池堡公大同人萬歷丁丑科

進士授翰林歷御史兵部右侍郎

鞏昌同知周祉墓在城東北十里福祿山